

praepositus¹⁾ tredecim²⁾ fratres professi qui assumpserunt iam habitum et obedientiam promiserunt secundum statuta capituli prouincialis supradicti ac fidelitate communi eidem capitulo, vnuß conuersus qui similem assumxit habitum et fecit professionem, quatuor fratres aliunde concessi cum familia competenti.

Bl. 2b. Ordinaciones visitatorum.

Frater Adam³⁾ sit prior in reliquum, qui eciam habebit plenam auctoritatem corrigendi, emendandi, absolvendi dispensandi secundum statuta et privilegia ordinis eciam in casibus mortalibus quod absit. Et prior servabit capitulo culparum singulis sextis feriis, aut aliis diebus capitularibus praesente präposito. Sed präpositus non dicit culpas; potest autem proclamare fratres stantes ante matutinam et prior imponet penam secundum statuta.

Ordinamus quod prior faciat diligentiam, vt fratres diligenter informentur secundum statuta celebrare, silentium servare et alia ceremonialia ordinis, cantare, legere et inclinare etc.

Frater Fredericus erit magister nouiciorum cui iniungimus vt diligenter valde instruat iuniores primo in timore dei et consequenter in observancia Regule S. Augustini et statutorum ordinis non tamen debet proiudicare priori. Sed prior omnino videat quod aliquem per se consoletur et informet eos.

Frater Martinus erit vestiarius⁴⁾, qui videat, quod diligenter exequatur officium suum, quantum possilitas et facultas monasterii patitur. Non tamen sit nimis molestus domino praeposito sed cum humilitate petat necessaria; quod si non statim potest habere, habeat pacientiam et consoletur fratres quoisque commode disponi possit, quod necessitas expedit. Ipse eciam sit cantor in dextro choro.

Antiquus prior erit sacrista qui secundum statuta omnia que sub sua custodia sunt in aureis et argenteis vasis casulis dalmaticis cappis libris et omnibus et singulis diligenter conscribat et unum registrum domino präposito tradat aliud sibi retineat vt domino präposito rationem reddere valeat requisitus. Iste eciam sit librarius et de libris sibi duplex registrum conficiat quorum unum domino präposito tradat etc. Ipse eciam habeat terciam clavem ad archam et sit frater consilii.

Reliquorum officiorum ordinacionem committimus domino präposito, ut de consilio prioris de istis, prout utilius videbitur, ordinet.

Item ordinamus et volumus, quod quam cicius fieri commode potest, mulieres excludantur ab ingressu ambitus et chori et aliarum officinarum ubi fratres continuam habent conversationem.

Firmiter prohibemus, ne aliquis fratrum exeat septa claustrum sine speciali licencia. Contrarium facientes a nullo confessorum absolvantur nisi iniuncta pena semel comedendi de terra⁵⁾.

¹⁾ Niethard Langenberg. Lepsius, Kleine Schriften I, 85—93.

²⁾ 1521 sind es 18 Konventualen. Lepsius a. a. O. I, 93.

³⁾ Von den in diesem Abschnitt genannten Namen findet sich 1521 keiner wieder.

⁴⁾ In Pforta liegt dem Custos die Sorge für die vestes sacrae ob. Boehme a. a. O. I, 216, Nr. 205.

⁵⁾ Der Bestrafte sollte, statt am Tische sitzend, auf dem Fußboden hockend speisen.